

## 佛为海龙王说法印经

如是我闻一时薄伽梵在海龙王宫与大苾刍  
众千二百五十人俱并与众多菩萨摩訶萨俱  
尔时娑竭罗龙王即从座起前礼佛足白言世  
尊颇有受持少法得福多不佛告海龙王有四  
殊胜法若有受持读诵解了其义用功虽少获  
福甚多即与读诵八万四千法藏功德无异云  
何为四所谓念诵诸行无常一切皆苦诸法无

我寂灭为乐龙王当知是谓四殊胜法菩萨摩  
诃萨无尽法智早证无生速至圆寂是故汝等  
常应念诵尔时世尊说是四句法印经时彼诸  
声闻大菩萨众及天龙八部阿苏罗捷达婆等  
闻佛所说皆大欢喜信受奉行